



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/10-00506 pillugu tallimanngornermi ulloq 19. november 2010-mi aalajangiineranik Naalakkersuisunut ilisimatitsineq.

IT-allattoqarfimmut ilassutitut aningaasaliissutissanik qinnuteqaat

Naalakkersuisut **inassutigaaat**,

- konto pingaarnermut 20.30.06-mut, Namminersorlutik Oqartussat qitiusumik qarasaasiaqarnikkut atortuinik programmiinillu ingerlatsinermit aserfallatsaaliinermullu tunngasumut, aningaasaliissutit 4.950.000 kr.-inik amerlineqassasut
- konto pingaarnermut 73.10.07-mut, Tjenestemandit soraartut pensionisiaannut ilanngussanut tunngasumut, aningaasaliissutit 2.200.000 kr.-inik ikilineqassasut
- konto pingaarnermut 20.11.50-mut, Ingerlatsinermit sillimmatinut tunngasumut, aningaasaliissutit 2.750.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

IT-mut tunngasuni immikkut aningaasartuuteqarnissaq siunertaralugu 4,95 mio. kr.-inik ilassutitut aningaasaliissuteqarnissaq Naalakkersuisut qinnutigaat.

Siunertaq namminermi Aningaasaqarnermut Ataatsimiititaliamit ajoriffissaqartinneqanngilaq, taamaattumillu qinnuteqaat akuerineqarsinnaalluni.

IT-mulli aningaasartuutaanerussutaasut januar/februar 2010-mi pisimammata ataatsimiititaliamit maluginiarneqarpoq. Tamatuma kingorna aningaasaliissuteqarnissamik qinnuteqaat una 2010-mi junip naanerani missingersuutit pillugit Naalakkersuisut ilisimatitsissuteqarneranni ilimasaarutigineqarpoq. Taamanili ilisimatitsissummi allanneqarpoq ”...*Aningaasaqarnermut Ataatsimiititaliamut ilassutitut aningaasaliissutissanik qinnuteqaammik nassiussisoqarpoq ...*”. Aningaasaliissuteqarnissamilli qinnuteqaat una Naalakkersuisunit ulloq 21. oktober 2010-mi akuerineqarsimasoq allassimavoq.

Tamatuma saniatigut qinnuteqaat ulloq 15. november Aningaasaqarnermut Ataatsimiititaliamut nassiunneqarpoq.

Suliap taama kingusitsigisukkut sularineqarnera ataatsimut isigalugu naammaginangilluinnartutut isigineqartariaqarpoq. Ajornartorsiutit matumani pineqartut assingi Aningaasaqarnermut Ataatsimiititaliamit siusinnerusukkat arlaleriarluni uparuarneqartarsimapput, taamaattumillu siunissami taamatut kinguaattoortoqaqqinnissaa

pinngitsoortinniarlugu Naalakkersuisut aalajangersimasumik iliuseqarnissaat
ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuerineqarput.**

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliaq